

重刊甯陵縣志序

光緒辛卯夏長洲潤泉汪君

來宰茲邑政平訟理百廢具舉

越二年癸巳以所錄舊志見寄

意將重鋟屬慶
召言弁其首慶

維書之有序或明編纂之大凡

或述增刪之緣起茲列一仍其
舊曷序為雖然亦正有說為今
夫脩廢舉墜者令尹之職也矧
邑志為文教典章之所觀古今
風俗之所傳若竟聽其廢墜將
脩舉之謂何寧邑志書於康

熙崇酉咸同間屢遭兵燹版燬
無存汪君到官後多方蒐訪始
獲舊志一部尚多殘闕爰訂其
譌謬補其佚失付之手民以復
其舊亦論者或曰與其因陋就
簡僅梓原書何如增續成編之

為愈乎顧破時已二百年一旦
撫求事迹徵考文獻斷非可
歲月計若更因循沿襲將續者
有待舊者蓋湮世日雖欲踵脩
竊恐無繇然則是編之刻固即
續本之嚆矢也抑更通其意而

充之凡廢者脩墜者舉駸仁乎
胥日進於美善之政數准此
矣豈第志乘也歟汪君勉孝哉
光緒十又九年歲在昭陽大荒
落則且月伏日
賜進士出身

唐
誥授朝議大夫知河南題德府
事葉赫餘慶珊汀肅撰並書

重刻甯陵縣舊志序

甯邑故有志也咸同間遭兵燹

而志逸辛卯夏鈞澤宰是邑蒐

羅殆徧始獲舊志然已半侵蠹

蝕而不逸者仍逸今夫邑之有

志凡風俗之正變典章之沿革

與夫興廢之利弊須於是乎載
固為治之本源也此之不存將
何以徵前鑒由舊章乎癸巳春
援據舊志闕者補之譌者正之
閱三月始復其舊一字乎原書
之凡例不敢增易於其間所以

存舊典也而或者曰舊志修於
康熙三十一年後此無踵而續
之者今刊其原書而近二百年
之事實闕焉無聞是猶有遺憾
也予曰唯唯夫事之或創或因
必視乎時與地今將開坊設局

則費用不貲以甯邑之貧瘠未
易致也且越時既久傳聞異詞
考獻徵文動羈歲月而茲編之
殘缺若是若遲之有待吾慮其
久而益湮也爰付乎民以存其
舊庶後有博雅之君子得據此

而增續之則是書亦餽羊碩果
之類也若夫創述之體例紀載
之詳畧均詳於舊序不復贅焉
是役也襄其事者為司教張君

翰英司訓張君

培 芸

其原書經

秦世職

合渭

於大化莊化弁

雲

祥處得一函復於高茂才

慧業

處得一函蓋合兩書參考而成者也

光緒十有九年歲次癸巳夏六月
月中澣

謹授奉政大夫

特用同知直隸州知甯陵縣事
長洲汪鈞澤撰

歸德府甯陵縣爲續修志書以
存文獻事蒙

巡撫都察院閩 憲牌照得郡

邑有志必信必徵始足傳後其
間博而不支簡而能盡彬彬大
雅上之可列於職方下之可藏

於石室蓋有關於政治者非淺也豫省當天下之中道里所均古聖先賢大半發跡於斯則軒輜所至未有不訪其故實者而郡邑之志已三十餘年莫之增修其爲遺漏者多矣又昔年修

志止取備文未加考訂或限以
數日或所託非人本都院逐一
查閱府志如河南南陽縣志如
宜陽河陰蘭陽等志荒悖失倫
莫可枚舉至於安陽汲縣乃彰
德衛輝兩府首邑竟無志書尤

爲缺典今本都院已將通省志
書設局修正而各府州縣所送
續冊未能畫一又通志所載限
於定格不能如府州縣之詳則
三十餘年所遺者十之六七自
此漸遠漸至凋殘文獻無徵何

從取信矧此三十年皆我

聖上生聚教養之所培育其戶口

日增土田日闢文治隆而風俗
厚災祥見而官民警安可不大

書特書以爲一代盛典哉擬合
通行續修爲此牌仰該縣官吏

照牌事理卽延擇文學名儒熟

知典故長於史事者博採典章

蒐羅遺軼其舊志未載者一一

補之舊志之舛謬者悉改正之

不得以同名疑誤相沿不得以

俾官小說攙入本都院又恐各

屬參差不齊未歸畫一將凡例
開明粘單於右悉照此爲規程
若夫敘論之古雅典茂俱屬才
人之大筆在乎各自留心稿成
先錄草本呈送本都院披閱裁
定其所費紙張工料須量力捐

重刊寶曆縣志
貲慎勿絲毫派之民間諒此不
朽之盛舉可指日觀成也速速
須至牌者

右牌仰甯陵縣准此

甯陵縣志序

甯陵古葛伯國湯所始征也春
秋桓十五年邾人牟人葛人來
朝一見於經其後無可考亦曰
沙隨成十六年秋公會晉侯齊
侯衛侯宋華元邾人於沙隨是

也地在今縣西甯陵之名始見
班固地里志而後世因之舊志
稱漢元狩初始置縣是也縣之
有志明嘉靖間創於呂司寇公
坤

國朝續而修之爲邑紳李公若星

今繼修之而屬予序者邑令王君也甯陵爲下邑地褊而瘠然綰梁宋宛洛許潁江淮之衝明自中葉時頗苦供億又瀕大河歲有人徒畚鍤之勞前志已卹卹乎憂之迨明末造流寇往來

蹂躪隕垣堙塹井邑蒿萊一二
遺黎驚竄於青燐白骨戈頭矢
鏃間甯之爲邑幾不可問及乎

皇清受命統一寓縣兩河之間復
爲樂土民生自童穉以至垂白
不見兵革五十年於茲矣今覽

志書所載城隍峻深廛市鱗比
學校署舍以至道梵仙釋之宮
有廢畢舉加之年穀屢登田疇
日闢其君子敦禮讓說詩書其
細民勤生力田以致蓋藏視史
冊所稱古先王遺風殆未遠遜

蓋自

今上

御極以來省繇賦屢蠲復勸

農桑益務與海內休養以無事

然後湛恩汪濊日所出入泳沫

沾漑垓宇之大生息理極雖窮

陬小邑物靡不得其所故邑志

之成適際其盛而抑知上之仁
以必世涵濡浸潤如是之深且
久而後致是哉按周禮外史氏
掌四方之志上之天子蓋欲以
周知列國都鄙州邑之盛衰與
民所樂苦今

國家方修一統志蒼萃天下郡邑
志書悉詣送上如古外史所掌
夫覘一邑可以知郡覘一郡可
以知天下然則邑雖小亦將有
取於斯志云爾甯與商邑比壤
予父母邦也詩曰維桑與梓必

恭敬止予故樂推其大者言之
且以驗王道之盛焉若斯志部
分州居條次井井則諸先生序
言在王君名某撫之金谿人起
家孝廉能以經術緣飾吏事宜
得書

康熙三十一年歲次癸酉仲春
總理糧儲提督軍務巡撫江甯
等處地方都察院右副都御史
加三級商邱宋學讓

重修甯陵縣志序

紀載之書有志有史其體殊其
致一也史之長莫長於遷遷之
長莫長於潔夫潔不在詞而在
意不在意而在夫人性情之間
也性情卑鄙斯意雜意雜斯詞

穢善乎先民之論文有曰行乎
其所不得不行止乎其所不得
不止則穢與雜之病皆去之矣
得是道以論志志乃稱善雖然
豈易言哉宵陵舊有志已庚午

秋

大中丞閣公檄令纂修或者繕
舊志以進而

公駁之曰闕者未增譌者未易

蓋欲增所宜增易所宜易如寫
生然肖其本像而止不加毫末
於其間也是非挾太史之識而

力祛乎繁雜污穢之病有如斯
耶是臘圖甯承乏茲邑適蒙重
加釐定之

諭甯雖濫叨一榜謬側屬員其
於文章性情之道愧未深究屬
以紀載又烏在其有當哉廼於

此則有說焉

大中丞以科名起家當

聖天子在上知人善任來撫中州

本中和之性情發於政刑禮樂
之大或張弛以福物或刪定以
成書而以其餘緒著爲文詞靡

重刊管學集卷之三
三
不典則煒煌吏其下者若土金
之在陶鑄有所正矣甯固不敏
敢弗敬承

憲命參稽舊冊芟其憤懣之言
正其凌亂之次以俟

大中丞之論定歟是爲序

康熙叁拾年伍月朔日

甯陵縣知縣金谿王圖甯識

凡例八則

一原志用心非不懇摯但事有隨時因革者如舊志有云汴東壤地復有褊小於甯陵者乎當衝要之途攝商睢之交財力多寡不啻十倍而送迎供億不減分毫以此較彼良苦甚矣且緊急支借每同例徵又有云雖境接大河幸遠漂沒而每代鄰封幫役歲以爲常按此則昔之爲民累者固不一而足而今則無之以是甯地每畝價值往不過一二三錢不等近且一二三兩有差矣故不得據原志以爲定本咸芟而訂

之母致後有不肖或藉口於往例云爾

一原志職官內有標官一員而下註未設建置內有標目武備而後註未備既未設未備矣夫何必志又雜志內有懲奸貪一則乃小民爭訟之事耳邑志何能及此今概從刪

一姓氏村集截行分註便觀覽也

一卷帙俱仍原志止圖考另分卷首其各卷中有標列不倫者悉從類改入

一人物事實順治十六年以前概從原志十六年以後

不敢濫登間有一二必求確有實據刻非所以爲訓也而飾曰善善宜長不幾成過情之譽哉

一田賦止宜遵

時制開載如謂舊例不可廢沒則自漢迄今志不勝書矣故茲志直取全書編入其徵收解支欸目欲使士民周知共相遵守而司錢穀之出入者雖有奸猾無所蔽其弊耳

一鄉賢舊志存人物中今摘出姓名附名宦後蓋人物中翹楚祀於

文廟宜特標而出之若其行實仍編入人物志內雖曰翹楚猶是鄉之人物也

一各志例有弁言以引其端必於所志之事有相發明而或失則支或失則蔓與夫藉志書以遂其好惡之私鳴其抑鬱之致均非體也茲志敘論固卑鄙不足觀然於諸弊則不敢微有所干云

甯陵令金谿王圖甯謹識

明甯陵縣舊志序

熊秉元

邑令

嘉靖甲子余自刑部出知甯陵觀風俗稽遺典舉廢墜則知甯陵者事也比至詢百餘年來故實雖父老不能對但曰先民未嘗有以某事告某者若爲兒時所見聞則能一一爲公言余聞之憮然曰欲知往何所據欲示後何所藉昔人駐樂山原流連光景尙有紀述其傳至數十世或百世甯非邦也與奚而不志己乃購遺書野史得邑人徐琦者紀改物以來百餘事琦成化中人也後數十年則石楊二令命邑諸生

修補之緣舊爲新灼有可考矣然視今才三之一且錄而不議觀者無以覈利弊甄可否懼非完帙不可以傳司訓陳君應龍實注意焉蓋兩厯寒暑爲書十餘萬言其詞麗其事文其旁摭彙輯不遺么細陳君之用心良近厚矣雖然千金之子不知擔夫之藏茲甯陵志志甯陵事也一邦之人有真知有公論余客茲土者不與聞何厠焉迺詣學宮聘多士所僉學者易其稿示公也僉曰閱詞遂學莫如徐君繡請以董其事三先生副之精檢閱老世世非李生文蘭王生

養浩徐生澤黃生卷不可既入館諸君子讓筆筆無
所屬邑有讜士曰李君坤者余聞之以問僉曰此君
無媿阿態輿論以之乃強李君李君曰明公不肖
予委以是非之任唯是摛詞據志則予小子有罪其
褒貶予奪鬼神實司之邑之大夫士若庶人共之則
我莫敢與既踰月就稿以使者來示余讀之輒然生
喜又惴惴焉敬且畏曰其嚴乎他日造李君請曰公
千萬言無一字長語非小小裨益世教者直欲爲吳
競如人何敢翫吾子之筆李君曰固是也請以示邑

諸生邑諸生日李君言予之所言也以示通國通國
日李君言予之所言也士民卒矻矻不易辭余嘆曰
是志也史也夫史信則可傳嚴則可訓傳且訓則可
以維道正俗甯陵文獻其在茲與君子觀甯陵志而
知其不盡於志矣

明甯陵舊志跋

李坤

且古今惟真是真非不可磨滅僞則難久孔子曰文勝質則史蓋傷史氏之失其真也故自不闕文以素文直事核不溢美隱惡者幾人嘻亦難矣哉夫史記事之書也載事如繪象深目叩鼻不失故態若醜鍾離春而西施之則非無鹽人矣甯陵志甯史也甯之邑鄰甯者之所知也其人其風物其山川形勝其古今封域沿革盛衰美惡不可飾也飾則僞爾其誰信不信則不可以徵且傳又並其可徵可傳者疑之其

誰辨此史氏之所以慎也丙寅冬熊司寇可山公耻
是邑之無聞也歎曰茲非春秋所謂沙隨大棘也與
今不志百世後不知有所謂甯陵者卽無問久遠人
懸今百年前事生甯陵者能自知耶明日闕館延學
士大夫志之僕濫與焉且曰李子方壯年當先是役
遂以操筆之任來命固辭不許讓於三博士及宿儒
諸君子不許乃相與戒曰茲重典也榮辱人莫大於
是非是非榮辱人莫大於遠且久惟茲典信天下無
世惟茲典貴真無藉是非之權以市恩怨無苟進退

人無愾是無慄慄畏人言以詘公義既矢志於南川
王祠幾兩月而告就蓋探幽蹟掇散逸閱昔典摭新
聞黜所有進所無裁冗補廢諸君子實夙夜勞而熊
公定國是僕無似竊取義焉嗟夫昔人纂述動以一
歲或三二歲計茲志也簡率甚矣且僕識謏陋而學
蕪質下而不工於文姑爲後君子作朴耳直是事實
據之古今聞見褒貶公之國人尙無媿於所謂真者
與至於關一邑利害則多躁遽之言論治教風俗人
物賢否得失則傷渾厚之體盛德雅量人必將斥且

笑之僕非不夙夜是慎第所謂呼痛號饑各鳴其情耳采風者苟辱一省焉則是邑也或稍賴其萬一助若夫原我罪我以為真以為偽則非僕所敢知亦非僕所敢恤也

甯陵縣舊志序

李若星

甯昔無志也志始於明隆慶改元乃呂司寇爲孝廉時註實邑侯江右熊公董其成又學博陳君兩厯寒暑編彙成帙以售者甯雖小邑居然文獻三公之大造於甯可考而知矣洋洋數萬言其詞典麗其旨簡遠語寓箴規心切民瘼誠一代之信史百世之章程一字無容擬議但年遠則人事有變遷事久則斷續鮮考稽且當我

皇朝定鼎庶物維新雖率由舊章不事紛更而

一王令甲應示昭垂恭遇

撫軍御史中丞賈公祖以佐命元臣旬宣兩河見中原係天下腹心重地幅幘曠衍人物萃聚卽古所稱物華天寶甲於諸夏者詎過是耶因思累代相沿奇人異蹟湮沒不傳遑遑有之矧開闢以來膚功懋著人文蔚起可漫無紀載乎隨下令郡縣各輯志以獻用勒不朽甯實蕞爾值南北孔道梁宋咽喉且聞人鉅卿代不乏人宋文獻者必及之

憲檄一至余喟然歎曰天下文章莫大於是甚盛舉

也視邑篆李君仰承上命誨曰集眾狗彘黨尙齒之
例屬筆於余余固陋殊甚惴惴滋懼竊思志吾邑事
也事吾邑志也彼此遜謝究將誰委欲逃推諉之罪
輒冒攘臂之嫌知我罪我不遑恤耳遂取呂司寇定
本閱之是集也乃司寇當年矢天誓日而成讀之慄
有天地鬼神以臨毫不敢萌作好作惡心然亦無容
作好作惡爲者何也制度有定軌但較今昔之異同
是非有公論惟核踪跡之真贗敘事甯簡毋繁立言
甯質毋文善善不必長齊嚴毋濫至於考故實數典

章甯闕疑毋傳疑不能掩其所己有不敢飾其所本
無於以嗣續司寇矢天誓日之書其庶幾乎否則議
論有參差當取平於令君或令君有依違再請裁
於

撫軍斷不可詭隨巷議曲阿時好貽典冊羞逮稿成
進之撫軍使披覽之餘曩然喜曰可以傳矣則甯陵
一志卽謂中原之文章莫大於是也亶然

跋甯陵縣志

李若星

夫邑乘國之大典三代之直道係焉點瑕竊譽怨尤
所集斧鑕臨之予小子曷克承執筆之役緬維司寇
才德兼備天日爲懷家食三十年卽創訂舊稿曾未
片言相及誠憂憂乎難之也予嘗讀修城書天日語
二刻因知一時之人情難饜百世之公論自明猶幸
有司寇舊本奉爲模楷足以塞羣議而示來茲矣卽
此舊本譚何容易想予當國破家亡時踴躍走京邸
偶於燕市敗書肆中剝落塵積見有甯陵縣三字恍

重刊算四集元 卷四
三
遇骨肉故人錯愕良久取而觀之乃甯陵縣志也贖
攜歸寓每一展玩如對桑梓謁選晉陽令劍負之任
藏於密笥踰年我

清定鼎奉

詔回京秩遷冬曹承乏江淮濫竽天岳日試身於鋒刃怒
濤之場長物都捐七尺猶在惟伴此殘卷生死與共
是集也自燕而晉而三吳而荆楚往復數年跋涉萬
里雖身遊異國而如傍故鄉矣詎意纂修令下搽羅
遺編兵燹之餘片楮蔑有予小子獨出諸懷袖以獻

噫誰謂墨楮無靈司寇不至今存耶矧命以真傳繼
司寇之絕筆乎予小子何幸遭逢故記不厭詳云

舊志凡例

一志邑史也公善惡核真僞史之體也輿論所協作者不敢拂焉其或作好惡杜是非韓昌黎所謂天刑人禍者其斯人與

一增所無諱所有以炫隣國此童心耳茲志也考故實詳因革如圖本像然不敢一毫加損

一人物真於百年之後何者耳目所及者眾矣志曰善眾亦曰某善志曰某惡眾亦曰某惡愈久愈真則點瑕名竊芳譽者其誰辯之茲志也進退惟嚴蓋不

皇朝實錄卷之九
卷之九
使後之君子指以爲慎云

一節婦

棺人所以嚴鮮終之戒

一紀事似繁皆有關係其可以志可以不忘者不忘焉
一典故昔有而今無者若關大體則存其名而書其廢
其廢之不必舉者則併去其名

一職官之賢而事無可指者概其爲人特書於名譜之
下其公論難容者名下不忍直書姑從漫無可否之
例然論事所及亦不敢諱俾後之觀邑史者或以是
爲殷鑒云

一藝文不計美惡或以人重則錄或以事重則錄或樂
道人之善著爲節義文章者則錄或其來也遠則錄
一書法竊取春秋綱目之微意然不敢顯擬觀者當自
得之

鑒定甯陵縣志

康熙三十年夏月纂修至康熙三十二年夏月刊成

巡撫河南等處地方提督軍務兼理河道都察院右

副都御史加四級閻諱興邦

巡撫河南等處地方提督軍務兼理河道兵部右侍

郎兼都察院右副都御史顧諱汧現任

河南等處承宣布政使司布政使田諱啟光

許諱宏勳

唐諱宗堯

河南等處承宣布政使司布政使加五級李諱國亮

現任

河南等處提刑按察使司按察使加一級楊鳳起諱

河南等處提刑按察使司按察使加六級胡介止諱

現任

管理通省驛鹽布政使司仍以副使分守河南開歸

河三府加一級駐劄省城張思明諱

分守河南開歸河三府管理通省驛鹽糧務布政使

司參政韓俊傑諱

分守河南開歸河三府管理通省驛鹽糧務布政使

司參政加二級祖諱文明現任

提督通省學政按察司僉事王諱際有

提督通省學政按察司副使張諱潤民現任

巡理河南通省河道提刑按察使司僉事俞諱森

巡理河南通省河道提刑按察使司僉事加五級周

諱詮元現任

歸德府知府加一級薛諱晉

朱諱珊

歸德府知府加二級武諱宏祖現任

重刊... 卷之...
歸德府糧捕通判陸諱遇霖

歸德府管河通判鄭諱維禎

總理糧儲提督軍務巡撫江甯等處地方兼都察院

右副都御史加三級宋諱肇隣邑商邱人全鑒定

儒學教諭張 哲

楊履吉 現任

儒學訓導李方開

孟爾鹽 現任

邑進士李六成

高于嶠

舉人胡定

李六宗

姜昉

郭觀光

宋之珽

張叡

焦淳全校

甯陵縣知縣王圖甯纂修

姪肇棟

編次

男肇椿

邑庠生吳岐正字

甯陵縣典史褚有成督刊

房宿從官分甯陵之野

○
○
○
罰

○
鍵閉


○
○
○
○
○
日 西咸

○
○
○
東咸


○
○
○
○
○
○
鉤鈐 房宿

○
○
從官


睢州




寧陵縣




城池圖




寶 陵 縣




寧陵縣




治之圖




文廟圖




儒學圖




程沙隨祠




圖廟忠旌




齊東野語 七縣七鄉地圖






城 隍 廟 圖






圖廟忠旌



城隍廟圖



甯陵縣志目錄

卷首

圖考

星野

儒學

城池

四境

縣治

文廟

卷之一

天文志

卷之二

地理志

沿革
集鎮
教場
土產

封建

疆域

城池

隄防

卷之三

建置志

公署

倉庫

街道

坊第

卷之四

田賦志

丁地

徵解

支給

漕政

稅款

卷之五

學校志

文廟

儒學

碑類

學田

義學

卷之六

職官志

知縣

縣丞

教諭

訓導

主簿

典史

卷之七

名宦志

知縣

儒學

主簿

武臣

鄉賢姓名

卷之八

選舉志

鄉科
恩蔭

甲科
封贈

貢生

監生

吏員

徵辟

卷之九

人物志

名賢
孝女

武勇
節婦

義烈
烈婦

隱逸

義師

貞女

卷之十

祀祠志

祀典

祠廟

寺觀

卷之十一

藝文志

碑銘

記議

書文

傳詩

卷之十二

雜志

郵政

災祥

陵墓

甯陵縣志卷之一

天文志

天官家言人人殊甯陵屬古宋國鄭康成謂房心宋分似矣而晉天文志又謂曰氐五度至尾九度爲宋之分野唐志稱古宋葛商亳之地應在氐房心間計宿二十有八分度三百六十有奇下應維極維極之大不知其幾千萬里也舊志謂圍數百里分一二度得乎若甯陵方五六十里之地難分度也併難分杪也第爲考古事應宋屬心房間不可誣也甯陵又屬

宋亦不可誣也君子僅求其有據者爾

甯陵縣志卷之二

地理志

說者謂地理之志創於班氏而不知區土辨貢夏三
尤爲鼻祖然第統紀大綱不若今郡邑之志臚列井
井至詳且悉也其井井者何匪直曰考古証今騷人
雅士藉是爲憑弔之資而已凡居官之職守山川之
平陂人心好尙之貞淫土宜財用之豐嗇莫不於是
乎辨之是故地理有記文詞不必皆雅馴而條目不
厭夫繁蹟也作地理志

沿革表

按甯陵之建置沿革舊志考覈頗爲精詳今因之

甯陵世傳以爲葛地唐虞以前屬豫州其邑里有無不可考夏之末葛伯始見經傳至商則無聞焉按左氏葛人來朝則葛之爲名歷周末改疑湯誅仇餉者而未絕其祀故周亦因之與戰國以後則班班載籍矣乃作沿革表使後之人知所據云

存舊

夏葛伯國

前地理云葛在陳留之甯陵一統志云葛在甯陵縣北一十五里古葛伯國河南總志載

鄆城臨潁俱有葛伯城而鄆師爲兩亳且有嵩山未詳孰是

周葛左傳桓公十五年夏五月邾人牟人葛人來朝杜預云葛在梁國甯陵縣東北

戰國甯陵城屬魏

秦甯陵城屬碭郡一統志云甯陵卽寧陵秦碭縣地漢書云碭者梁郡之縣也

漢甯陵縣漢元狩初置甯陵屬豫州陳留部王莽改爲康善縣

東漢甯陵縣屬豫州部梁國

已吾縣屬兗州部陳留郡漢書云已吾在甯陵縣西南二十里舊爲縣北齊省入下邑按東漢至

東魏無慮三百年中間已吾之名不見紀載豈省入甯陵抑存其名而廢其邑也然不可考矣

三國甯陵縣屬豫州部梁國

晉甯陵縣屬豫州部梁國

南甯陵縣

屬南豫州部南梁郡

宋

後甯陵縣

屬兗州部譙郡

魏

東已吾縣

屬西兗州部馬頭郡蓋更甯陵之名爲已吾

魏

與

隋甯陵縣

開皇元年復置甯陵屬豫州部梁郡

唐甯陵縣

屬河南道宋州睢陽郡柘城之地省入焉

宋甯陵縣

屬南京應天府按宋史崇甯四年割應天之甯陵隸拱州大觀四年甯陵隸開封府宣和

二年

甯陵復隸拱州六年甯陵歸南京應天府屬

京西路

宋應天卽今歸德

金甯陵縣

屬南京路歸德府大定二十二年徙於汴河堤南至今因之古城有汴水睢水渙水

元甯陵縣

屬河南江北道歸德府

明甯陵縣

屬開封府歸德州嘉靖二十四年州復爲府甯陵直隸歸德矣

國朝甯陵縣

仍隸歸德府

從來更置改屬民不甯居班固以邑無定名民無定里徵世變豈虛語哉則今之安居而樂業者其吾

聖天子之賜也歟

封建表

他邑不必皆志封建也而甯陵獨志之者何仍舊志也

三葛伯爵夏所封邑也然享國遠久則誼辟必多惜爵代葛徵世遠史畧之耳商書紀湯革命之始故仇餉者

獨聞焉然建國與除國之年亦不可考

戰
國
信陵君

公子無忌也按杜佑云魏信陵君邑果封邑耶抑食邑耶然不可考矣

魏甯陵君

魏咎魏庶公子也初立爲甯陵君秦滅魏爲庶人陳勝之王也咎往從之勝使魏人周市

狗魏地下勝欲立市爲魏王市曰天下昏亂忠臣乃見今天下共叛秦其誼必立魏王後乃可齊趙亦使車五十乘立市爲王市固辭迎魏咎于陳王及陳王乃遣咎立爲魏王及章邯破陳移擊魏市求救於齊楚齊遣田巴楚遣項它救之不勝遂克魏周市死之咎不忍殃其民廼與邯約降約甫定而自殺

漢甯陵夷侯

初呂臣以舍人起留以耶入漢破曹咎成臯爲都尉擊豨功封侯千戶封二十七年

亮謚

曰夷

戴侯 孝文十一年子戴侯謝嗣十六年薨

惠侯 孝景四年孫惠侯始嗣十七年薨

南陵公 元康四年四世孫南陵公大夫得詔復家

魏宵陵侯 曹仁操之從弟以征伐功進封陳侯增邑至三千五百戶薨謚忠侯子秦嗣轉封宵陵侯

南宵陵侯 王僧達以歸順功封宵陵縣五等以後無封

疆域

我

國家幅幘之廣千古莫及合之大一統之模散之則星羅
碁布於天地之間惟疆域辨而守土之責成以崑互

相推諉之弊以絕康王之命畢公者曰慎固封守而先之以申畫郊圻其旨不深切而著明矣乎至於戶口田賦則尤以籍爲定者也

縣在府治之西六十里東抵商邱縣界十八里南抵柘城縣界四十里西抵睢州界二十里北抵考城縣界三十里廣三十八里袤七十里爲鄉者七曰長樂曰安甯曰崇義曰中和曰來遠曰遷善曰向化北觀京師陸路一千八百一十里水路二千三百里南抵

江甯府陸路一千一百里水路一千三百里東到商

邱縣六十里路通江南宿州南抵柘城七十里路通
陳州西至睢州五十里路通開封府北到考城七十
里路通山東曹縣東南到鹿邑縣一百三十里路通
江南亳州西南到太康縣一百一十里路通南陽府
西北到儀封縣一百一十里路通彰德府東北到山
東單縣一百七十里路通兗州府

城

按舊志云明初週圍九里有奇成化年間知縣金璽
割其南之半而改築約五里嘉靖十八年知縣費榮

取城堞磚別用三十一年知縣石陞三十五年知縣
楊侃相繼增修惟堞易坏以磚餘不能復舊年年鬻
補勞民傷財有損無益至萬厯年間值呂司寇家居
慨然起修城之議排眾論之紛曉抒一己之苦心調
停經費等項甯人無一錢之費而永免修築之害詳
見修城書載藝文志週圍拓爲六里有奇高三丈有
餘全用磚包門制橋梁煥然改觀工始於知縣李庭
訓告成於知縣薛大中厯三令約數年而民不知役
又著有城守書邑人遵爲成法至崇禎末年流寇猖

獫狁陷郡破人多逃竄城半拆毀比時縣令缺員典
史劉大才代管縣事糾眾復修雖堅完不能如初屢
經盜賊攻圍守禦無恙皆大才之力也余讀修城書
呂司寇排眾論而議修築往復開說慮遠思深一片
苦心千載如見第觀其分毫隨眾一語則當日費用
實以身先之而謂甯人無一錢之費可乎且厯三令
約數年爲時久矣而謂民不知役則又何也志傳信
不傳疑未敢阿附故論及之

門

南曰文明北曰鍾祥東曰延和西曰寶城樓四座水
門二座俱南向一在旌忠廟前一在觀音寺前官水
溝二道各闊一丈餘

池

在城下介於城堤之間週圍七里有奇闊十丈有奇
舊志載東南隅昔因有王家墳相碍未開崇禎末年
知縣賀懋敬創開東南二面與別池同卽以墳前舊
池抵償王氏池外原有護城小堤週圍一道今仍舊
四門外板橋四座歲輒增修其必易以石庶幾一登

永逸之道耳

堤防

按舊志云甯瀕大河每罹水患呂司寇謂有城無堤何以禦之况關廂之人豈忍爲魚經度於四關之外築堤週圍十四里高一丈五尺闊四丈五尺根係民田俱除賦稅杜便道禁芻牧頗稱堅固若是則當日之民抑何厚幸今坍塌非舊詢之父老僉曰如此者蓋數十年於茲矣議者謂不行修補將堤防之迹漸至泯沒欲行修補而勞民動眾曷可漫易舉行其說

良是云

教場

舊在城北門外偏西嘉靖十四年修護城堤遂遷於南關外東共地十二畝八分七釐五毫崇禎末年知縣孟養浩又遷於東關外路北原有大廳後廳東西房門樓臺屏今無址僅存用地共八十畝

集鎮

邏岡集

在縣西北三十里

趙村集

在縣東北二十里

張弓集

在縣西南三十里

陽驛集

在縣西二十里

孔家集

在縣東北二十五里

桃園集

在縣北三十五里

溝鄉集

在縣東南二十里

柳河集

在縣北三十里

石橋集

在縣北十里

桃堦集

在縣東北十二里

黃岡集

在縣西南四十里

永安集

在縣南十二里

黃家集

在縣西北三十里
即趙二庄

東服集

在縣東南郭內

七星村

在縣北十八里

黃岡村

在縣南四十里

柳園村

在縣西南二十五里

丁墻村

在縣南十五里

排墓村

在縣東北十里

焦堦村

在縣北六里

馬頭村

在縣南八里

繼古村

在縣東北二十里

尖岡村 在縣西南三十五里
茅岡村 在縣西南三十里

甯靜村 在縣北十五里
鞋城村 在縣西北二十里

受益村 在縣西北三十五里
箭頭村 在縣南四十里

唐城村 在縣北三十里
陸城村 在縣西北十七里

紙坊村 在縣西北三里
楮堦村 在縣北二十五里

土樓村 在縣北三十五里
黃草村 在縣東南十里

谷岡村 在縣西北四十里
火食店 在縣北二十里

玉家店 在縣南十里
郭家店 在縣北二十里

小店舖 在縣西北四十里
圈子村 在縣東南二十五里

形勝

平行中隱岡阜奔騰之勢坡堤外顯清漣縈繞之機
右接汴梁左通鄒魯河洛流乎西北淮泗達乎東南
可不謂當往來之衝而都水陸之會者乎

古蹟

大棘城

在縣西北七里左傳宋華元鄭公子歸生戰於大棘卽此

沙隨城

在縣北七里左傳魯成公會於沙隨晉銅鞮盈卽此

葛城

在縣北十五里古葛伯國

已吾城

在縣西南二十里舊爲縣

鎮頭岡

在縣南三十里

甯王城

在縣南關外至今遺址歸然

駝腰岡

在縣西南十里

甘露嶺

在縣西五里隋文帝幸岱至此甘露降

議事臺

在縣西南八里高丈餘左傳公會諸侯議事於此故名

黃龍井

在縣東八里甘露四年有黃龍二見於井中

聖水井

在縣北三里許居民修之相傳以爲唐太宗東征時道出甯陵三軍渴甚須臾有婦人攜

二汲水桶至土馬數萬飲之不盡俄失婦人所在視二桶則雙井也嘉靖年間大水淤沒唯一井依

然舊蹟其水甚甘鄉人療疾禱雨多應焉作亭以覆之名曰聖泉今聖水夫人名號尙仍唐封之舊

云

黃岡寺

魏大定二年建魏碑所載寺前有黃棟樹一
株不知始生何年枯而復榮今又枯焉

丁墻堦堆

在縣南十五里

院主堦堆

在縣北三十里

八角井

在縣北十五里甯靜寺中其製八角圍丈餘
嘉靖間井底生樹數月出井居民實之

褚堦堆

在縣北三十里

七星堦堆

在縣西北三十里

齊王廟

在縣北二十里世傳齊威王朝周道卒於此
居人立廟祀之

汴堤

一名隋堤在縣東十里舖官路北曹家墳後
高阜巋然

賈魯堤

元尚書賈魯築以障水遺跡隱然在縣南七里

苗公河

苗公時中主甯陵簿所疏民甚利之因以名河

汴河

一名睢河當縣之衝由陳留下達於徐

石橋

在縣北十里

焦壩堆

在縣北六里

童餉壩堆

在城南二里又名童相磚包高丈餘寬四丈餘長五丈餘今上祀大士

河防

韋家河

在縣北十二里趙皮寨支河衝今堙

桃園河

在縣北三十里趙皮寨支河衝今堙

張弓河

在縣南三十里趙皮寨支河衝今堙係汴臺孔道鄉飲者資路純仁創建磚橋五空有記覽藝文志

八里屯河

在縣南八里趙皮寨支河衝今堙

陽驛河

在縣西二十里趙皮寨支河衝今堙

五里堡河

正德四年侍郎崔巖開今堙

縣北關河

嘉靖五年都御史盛應期開今堙

東南之民憂食者寡多水利故也余驟閱甯陵志見夫載河若干處心竊喜之及按籍而求雖深溝無有也何河之有然舊志載其衝關頗詳意固有在未可

刪也

黃河集考

昭原志

明正德四年河決楊家口侍郎崔巖乃於祥符董益口甯陵五里堡各開地四十里接黃河故道引水由鳳陽達亳州又濬孫家渡故道十餘里引水由朱仙鎮至壽州而各入於淮疏賈魯舊河四十餘里以殺水勢築梁靖口下埽以防衝決會靈雨暴漲新築臺埽遂蕩然無遺矣

正德八年侍郎趙璜疏分水須水二河先因崔巖功弗就河遂衝決益甚至是璜乃於滎澤東濬分水河

鄭州西鑿須水河疏亳州河渠自是水勢漸殺不爲害

嘉靖五年都御史盛應期疏趙皮寨支河綿亘數百里以濟運道是時趙皮寨爲上流其地視河高數尺而其土又皆沙也隨疏隨淤久之功弗成應期憂之乃日夜止宿水次復益夫數萬治之益弗就百姓怨咨於是應期坐議免歸

嘉靖七年學士霍韜上治河疏其畧曰臣前過徐州聞議者欲引河自蘭陽至於宿遷以爲可殺河勢庶

徐沛不致暴溢運道不致沙淤也夫水溢徐沛猶有
呂梁二洪爲之東捍東北諸山爲之防垣水患所及
尙有底極若引河自蘭陽注宿遷則歸德諸處河溢
奔潰將數郡一壑其患不止徐沛二州縣而已也上
然其議

嘉靖三十年都御史方鈍采僉論上疏其畧曰趙皮
寨一開河性叵測不可限量設使全流南徙不惟二
洪涸竭有干運道而勢趨鳳泗則又憂在陵寢矣若
疏孫家渡雖云省易而壽春王家圍密邇淮河衝決

之患亦不可不慮況宏治迄今凡十有五濬矣卒莫有成今聖德格天川瀆效靈舟楫通利生民奠安似宜罷爲便上嘉納之

嘉靖三十二年間漕渠稍滯議者復申前說上命侍郎吳鵬來視鵬自蘭陽而南抵泗上相其地形水勢乃奏曰竊見黃河上流開濬趙皮寨約三百九十餘里計役夫一十八萬六千有奇工費鉅大實難遽圖孫家渡所淤塞者僅六里八十丈計役夫九百有奇其費省而爲力頗易取之河道亦自足用不煩別爲

措辦宜行司河者祇除淤土四尺七寸照舊不必開濬其高阜陂陀之處盡爲挑治一概使平水小則聽其歸漕順流水大則任其泛溢平漫其河北堤障劉獸醫口張家灣筒瓦廂崔家壩等處俱應隨宜修築疏上制曰可自是開濬之議遂寢

風俗

古者太史採詩以觀民風凡奢淫儉嗇祇以一二歌詠之詞概之不過得其大意而止且又不能不變也如曰今之民猶古之民則唐虞三代之風至今存可

也迺

聖天子在上輒厲

睿慮制爲

聖諭十有六條布告天下而

大中丞閻公更加詳註且通以方言家諭戶曉不一而

足蓋爲世道人心計至悉也甯陵自漢迄今風俗純

澆不知其幾變而一統志稱忠義之風仁厚之俗卽

按厥舊志所引述亦無大異藉非溢美將君子有欣

慕焉何由今觀之又多悍而好逞豈矯激之過積漸

使然詩書禮義之氣未洽歟成王命君陳者曰爾惟風下民惟草然則剛克柔克上民者端必有所以轉移勸導之者也歲時伏臘志其概耳

正月元日

早起祀內外神拜家慶畢徧謁親友謂之拜節三日展墓

上元日

張燈燭放火花明日男出遊女歸甯日走百病

二月二日

以青灰繞布宅舍云避毒蟲稼果木以爲多實

三月三日

種葫蘆梅雨宜接梅杏桃李

清明日

加土於墳墓上掛紙設牲醴名曰上墳

五月五日

食角黍飲菖蒲酒貼符插艾饋師遺女

六月六日 曝百物云虫不蛀

七月十五日 插蔴穀展墓

八月十五日 供瓜餅家慶合歡謂之圓月

九月九日 賞菊餽師遺女

十月一日 展墓罷傭作

十一月冬至日 祭先遺女

十二月八日 食臘粥髡小兒

二十三日 掃舍祀竈

除夕 貼門神桃符諸墳墓迎祖先辭歲多嫁娶以爲無忌

土產

燕趙多慷慨之士吳越有俊秀之民皆產於土者也
豈獨豫章之木鄧林之材已哉雖然先王底慎財賦
不責有於無不取盈於寡唯土產有志而後居山者
可不以魚鱉爲禮居澤者可不以鹿豕爲禮矣

穀類

穀 黍 稷 麥 麩 蕎麥 菽 秫 芝 麻

青豆 黃豆 黑豆 綠豆

蔬類

王瓜 芥 芹 蔓青 菠菜

葫蘆 蘿蔔 白菜 地瓜 葱

蒜 韭菜 茄 西瓜 冬瓜

甜瓜 南瓜 絲瓜 眉豆 萵苣

菓類

黃李 杏 桃 柿子 胡桃

梨 棗 梅子 蘋果 花紅

石榴 甜子

木類

榆 柳 桑 槐

獸類

牛 馬 驢 騾 犬

豕 貓 羊

禽類

雞 鵝 鴨 鴿

甯陵縣志卷之三

建置志

周禮闕冬官補以考工記甚纖悉迺於營建之等列
規制畧而弗具時至春秋諸侯僭大夫竊臺門旅樹
種種貽譏矣秦漢而下易封建而郡縣縣有官官有
事有事必有蒞事之所其規模大概相同由縣等而
上之有差不紊法至善也然其間寬隘華樸或備或
闕之間亦甚不一矣故如公署解舍倉庫之類各邑
例各志之志之者何蓋昔之所有而後或毀毀而復

重修眾將日舊有是也非厲我也使昔之所無而驟興
一役動一旅耳目能無駭乎心志能悉協乎是故君
子慎之不越度而過不因陋而不及皆於志乎是賴
作建置志

公署

縣治在城內萬壽街東鐘樓之西前闊二十丈一尺
後闊二十七丈四尺長四十七丈八尺東至小官街
西至曹三省南至官街北至史宗堯其地十八畝七
分七釐五毫宏治十四年圯於水正德四年知縣吉

容重建

大堂三間東西各一間爲銀庫知縣楊輔建

鑾駕庫三間在大堂東知縣熊秉元建今廢之

庫樓二間在鑾駕庫之東西向知縣熊秉元修

什物庫三間在東三房北

贊政廳三間在大堂西

後堂三間在大堂後知縣費槃重修

知縣宅正房五間東西房各三間

書房四間

典史宅廳三間正房三間東西各三間書房二間廂房東西各二間

六房在大堂前東西共十八間知縣熊秉元重修承發司一間西三房南

舖長司一間東三房南

外廚房三間後堂西

吏廨在六房後原是草房傾圮熊秉元易之以瓦且增其數凡三十四間

戒石亭在正堂前今易爲坊

寅賓館在二門外東南共房六間熊秉元建

土地祠在儀門東

獄二

監在儀門內之西共房十二間

倉在大門內之東共房八間熊秉元增修

儀門三間

角門二在儀門東西

大門三間卽鼓樓今壞

旌善亭一間在大門外之西

五
卷之三
三
申明亭一間在大門外之東

陰陽學三間在申明亭之南西向熊秉元修久廢

醫學三間在旌善亭之南東向熊秉元修久廢

鐘樓在縣治之東熊秉元建今壞

以上公署前明崇禎年間悉爲寇燬我

國朝順治八九兩年知縣侯國泰率七鄉之士民修而復之

察院在儒學東前闊八丈七尺北闊八丈長三十一丈七尺南至官街西至儒學東北二至喬家共地三

畝二釐知縣陳炫重修

正堂三間

穿廊三間

後堂三間

書吏房三間

廚房三間

皂隸房東西各三間

大門三間

儀門一間

角門二在儀門東西以上於明崇禎年寇變盡燬

國朝順治十年知縣任天祚督修照舊

按舊志載布政司及按察司所在以下共十一條志之甚悉及今有房廢而址存者有址亦不可考者然

概刪而不錄則侵占者愈無所懼矣故備錄如左

布政司在東大街之北闊四丈六尺長二十丈八尺
南至官街東至郭麟生西北二至喬宏鎮地一畝五
分九釐九毫陳炫建制規與察院同明崇禎年寇燬

址猶
存

按察司在東大街北闊五丈七尺長十六丈八尺南
至官街東西北三至胡斌地一畝五分九釐六毫陳
炫建制規與察院同崇禎年寇燬舊址猶存改爲養
馬之所

甯城驛在東大街之北前闊六丈北闊六丈一尺長十五丈三尺南至官街北至王成文路智東西二至孟培祐魯禎地一畝五分四釐三毫嘉靖二十九年知縣石陞修舊有廳房三間庫房一間後房三間獄房三間門樓一間吏書三間久廢

馬廠正統間知縣李衷建房百間爲養馬所今廢

柳河集公館在柳河集之北路東闊五丈三尺長十七丈七尺南至解釋北至戒秀東至整無西至觀音寺共地一畝五分六釐三毫嘉靖三十六年知縣楊

侃建生員王養浩有記舊有廳房三間東西房各二間門二重久壞址猶存

桃園關巡檢司在集北盡處闊六丈長二十丈東至唐時敏西至王經南至趙儒北至考城縣界共地二畝久廢

傳舍共五處俱壞

總舖在縣前陰陽學之南一間今廢

東十里舖南北長七丈五尺東西闊九丈五尺共地一畝九分八釐舊有正房三間久廢址存

西十里舖南闊十七丈北闊二十一丈東西長各十六丈五尺共地五畝三分二釐五毫舊有正房三間久廢

址存

陽驛舖在縣西二十里陽驛集街南前闊八丈九尺後闊九丈長三十四丈東至石廷甫西至王思賢南至大路北至官街共地五畝七釐一毫六絲共房七間大門一間今廢

夜巡舖八東門內一間東街路北一間北門外一間

北門內街東一間西門內街北一間西街路北一間南門外一間南街東小橋首一間今址存

舊志云記大事耳瑣細毫釐何志焉吾懲舊事矣水池馬廩存沒啟數年不決之訟設典籍可據只一開卷之力爾此語甚善一字不敢增損悉如舊存載云舊志載倉三處

一在東門外甕城內久壞

又

預備倉舊在觀音寺東嘉靖廿四年傾圮知縣陳炫移建於縣治內東十間舊基廢爲養濟院嘉靖四十四年知縣熊秉元移養濟院於東關因預備倉舊基而創置焉又

社倉長十丈二尺闊十三丈北至太乙街西至社學

東南俱至萬壽街共地一畝六分二釐六毫馭倉六間小倉房七間今址僅存

舊街巷

東大街 自東門至大隅首是闊三丈

西大街 自西門至大隅首是闊三丈

南大街 自南門至大隅首是闊二丈五尺

北大街 自北門至大隅首是闊二丈七尺

小官街 在縣治之東鐘樓北衝大街是闊一丈五尺五寸

萬壽街 自古治坊至觀音寺是闊二丈四尺

懷仁街

在縣治前自古治坊至鐘樓是闊二丈五尺

附新開街巷八道

申詳見後

甯陵縣知縣熊秉元爲開街保障城池事查得本縣城內東南一隅節因水澇淹沒其地久爲汙池難以召民居住以致縣治大半空虛且城垣卑隘內外疎虞防守旣難每多失事如嘉靖三十年強盜越城劫掠由此而進嘉靖四十二年獄囚越城逃走由此而出往鑿甚明思防貴預近因天旱水乾前地始出據七鄉里老各稱乞請開立街道分召鄉民趨時填築

蓋房居住誠於保障有資官民兩便隨委公正官員
丈量畝數因其高卑定價三等任民分插量力修蓋
所納官價陸續貯庫登報循環取實收繳再照本縣

城外原有海濠先年黃河淤塞勢反高於城中以故
濠水常涸城勢愈卑險不足防難以捍衛抑且城中
之水無從通洩一向環浸四隅每遇夏秋淫雨縣廳
無異陂池前官曾議鑿池洩水又因工費艱難每發
輒止如蒙俯允前議卽令各民就濠取土修墊房基
其起土不盡者然後本縣募夫量加挑濬并於城東

南隅開登水門使城中之水盡洩於濠其募夫等項工費卽於前項地價銀內支給事完造冊繳報則濠水深險而城勢增高外旣可以戒不虞民得安居而縣治充實內且可以消水患庶乎可一舉三利亦不勞民傷財亦興利弭害之一端也申蒙

欽差巡撫河南戶部右侍郎兼都察院右僉都御史遲批此舉官民兩利惠而不費之美政也依擬速行

繳

崇文街自鐘樓東至城隅是闊一丈三尺

順化街

自縣治前直抵南城下是南闊一丈五尺北闊一丈五尺

旌忠街

在旌忠廟前自東城下西衝順化街是闊一丈五尺

懷賢街

在程夫子廟後自東城下西衝多士巷是闊一丈

陽和街

自東城下西衝崇正街是闊一丈五尺

崇正街

北衝東大街南抵城下是闊一丈九尺

太乙街

自火帝祠西向轉北又折西向復轉而之北衝西大街是闊一丈八尺

多士巷

在程夫子祠西北衝崇文街南抵旌忠街是闊一丈

官馬道

四各闊一丈五尺

官水池

在旌忠祠東闊十五丈長二十三丈五尺東至官馬道西至旌忠祠北至懷賢街南至旌

忠街共地五畝
八分七釐五毫

坊第

坊第之建所以旌賢哲而樹風聲也故制爲經費於坊牌一項或額以數金或額以數十金非厚之以財也俾有所資以傳其名於不朽用以礪世磨鈍法莫善焉乃甯陵所載坊第十數處今存者僅矣將無坊廢而名亦湮乎於士夫建坊之意云何於朝廷予之建坊之意云何曰所賴以廢而不廢湮而不湮者有志存焉爰備記之

沙隨古治坊 在懷仁街之西能兼元建

興賢坊 在文廟之東久毀未修

育才坊 在儒學之西久毀未修

天官坊 在北街隅首爲勅贈吏部郎中呂得勝立寇變毀未修

勅贈監察御史坊 在南街爲喬敏立寇變毀

少方伯坊世科坊 俱在南街爲進士喬恕舉人喬寵立久壞

宮臺清要坊 在東街爲兵部侍郎胡守中立寇毀

畫省分謨坊 在西街爲知府范廷儀立寇毀

甲榜紹先坊 在南街爲進士劉鑑舉人劉一鶴立

天官坊

在東街崇正街左右二座爲勅封吏部郎中

黃卷黃克念立寇變毀無跡

解元坊

在西門內爲戊子科王印立

節壽坊

在西大街爲百歲節婦張氏立

甯陵縣志卷之四

田賦志

因時制宜日積而增無千百年拘守之法可知矣故
殷人之助溢於五十之貢周人之徹較之貢而遂倍
焉三代之盛王非不樂於用因夫誠勢有所不可也
我

國家賦役定爲全書較若畫一法仍前明萬厯之初彙爲
一條編徵之法簡而民便其有隨時損益制與事遷
者亦猶夏殷周之以漸而漸云故遵定額類而記之

至於稅款權衡於交易間額難定也止據實徵者歲終一奏報焉

原額人丁壹萬貳百柒拾伍丁原額丁銀叁百捌兩貳錢伍分

舊管人丁壹萬貳百柒拾伍丁舊管丁銀叁百捌兩貳錢伍分

康熙貳拾壹年內編審開除老故人丁柒百陸拾壹丁除老故丁銀貳拾貳兩捌錢叁分

新增人丁柒百陸拾壹丁新增丁銀貳拾貳兩捌錢

叁分

新舊共人丁壹萬貳百柒拾伍丁每丁派銀叁分共
派丁銀叁百捌兩貳錢伍分內除紳衿應免本身人
丁叁百伍拾貳丁免丁銀壹拾兩伍錢陸分又該扣
解人丁叁百陸拾玖丁扣解丁銀壹拾壹兩柒分
實在人丁玖千伍百伍拾肆丁實徵丁銀貳百捌拾
陸兩陸錢貳分

原額地肆千陸百柒頃玖拾壹畝捌分柒釐玖毫叁
絲陸忽伍微內除

孔聖祭田併教場壓占地拾肆頃肆拾捌畝壹分貳釐陸毫貳絲伍忽

實在原額地肆千伍百玖拾叁頃肆拾叁畝柒分伍釐叁毫壹絲壹忽伍微

原額銀壹萬肆千玖兩陸錢柒分壹絲玖忽捌微叁織柒沙肆塵貳埃又萬歷年間每畝加增玖釐原額銀肆千壹百叁拾肆兩玖分叁釐柒毫柒絲捌忽叁織伍沙

貳項共原額銀壹萬捌千壹百肆拾叁兩柒錢陸分

叁釐柒毫玖絲柒忽捌微柒纖貳沙肆塵貳埃遇閏
加額銀陸百叁兩捌錢肆分玖毫

見種熟地肆千伍百玖拾叁頃肆拾叁畝柒分伍釐
叁毫壹絲壹忽伍微每畝派正供雜辦並加增玖釐
銀叁分玖釐肆毫玖絲玖忽叁微壹纖伍沙肆塵叁
埃陸渺壹漠共派銀壹萬捌千壹百肆拾叁兩柒錢
陸分叁釐柒毫玖絲柒忽捌微柒纖貳沙肆塵貳埃
遇閏每畝派閏月銀壹釐叁毫壹絲肆忽伍微柒纖
柒沙玖渺陸漠共派閏月銀陸百叁兩捌錢肆分玖

毫

貳項連閩共派銀壹萬捌千柒百肆拾柒兩陸錢肆
釐陸毫玖絲柒忽捌微柒纖貳沙肆塵貳埃其本色
黃丹槐花牛角俱係壹條鞭派徵銀兩置買起解並
無另徵本色內除紳衿吏優免存留項下雜辦銀伍
百柒拾柒兩壹錢貳分

實徵地銀壹萬捌千壹百柒拾兩肆錢捌分肆釐陸
毫玖絲柒忽捌微柒纖貳沙肆塵貳埃

丁地貳項除優免外連閩共實徵銀壹萬捌千肆百

伍拾柒兩壹錢肆釐陸毫玖絲柒忽捌微柒織貳沙肆塵貳埃

壹起運折色並新奉 文改折漕米等項共原額銀壹萬陸百肆拾兩叁錢捌釐叁毫柒絲柒忽壹微柒織貳沙肆塵貳埃

遇閏加額銀柒拾兩肆釐貳毫

外補徵漕耗連潤耗等項照依康熙貳拾貳年 日

準額銀壹百伍拾陸兩壹錢伍分玖釐捌絲照依本年行糧熟地每畝派銀叁毫叁絲玖忽玖微陸織壹

沙貳塵伍埃柒渺陸漠柒灰

又扣解優免丁糧銀伍百捌拾捌兩壹錢玖分

一起運本色原額銀叁拾壹兩叁錢肆分壹釐又奉
部文外補徵黃丹等項價值共銀壹拾貳兩伍錢叁分
玖釐陸毫貳絲伍忽照依本年行糧熟地每畝派銀
貳絲柒忽貳微玖纖捌沙玖塵玖埃玖渺柒漠貳灰
甲字庫本色黃丹伍拾玖觔拾貳兩原額並舖墊銀
叁兩貳錢貳分陸釐伍毫內奉 文改解折色黃丹
貳拾叁觔拾叁兩肆錢照依順治拾捌年分

題定價值每觔價銀貳錢該銀肆兩柒錢陸分柒釐
伍毫

本色黃丹叁拾伍觔拾肆兩陸錢照依估定時值每
觔價銀壹錢叁分該銀肆兩陸錢陸分捌釐陸毫貳
絲伍忽

本折共該銀玖兩肆錢叁分陸釐壹毫貳絲伍忽除
照舊徵銀叁兩貳錢貳分陸釐伍毫仍該補徵銀陸
兩貳錢玖釐陸毫貳絲伍忽

甲字庫本色槐花壹百伍拾捌觔肆兩原額並鋪墊

銀肆兩壹錢壹分肆釐伍毫內奉 文改解折色槐
花玖拾肆兩拾伍兩貳錢照依順治拾捌年分

題定價值每兩價銀捌分該銀柒兩伍錢玖分陸釐
又於康熙拾肆年貳月內奉 文改折本色槐花陸
拾叁兩肆兩捌錢照依估定時值每兩價銀肆分伍
釐該銀貳兩捌錢肆分捌釐伍毫

貳項共該銀壹拾兩肆錢肆分肆釐伍毫除照舊徵
銀肆兩壹錢壹分肆釐伍毫仍該補徵銀陸兩叁錢

叁分

本色牛角原額陸副每副價銀肆兩共該原額銀貳拾肆兩

一存留原額銀柒千柒百捌拾兩叁錢陸分肆釐肆毫貳絲柒微除扣優免外

實徵銀柒千壹百捌拾貳兩伍錢壹分肆釐肆毫貳絲柒微

遇閏加額銀伍百叁拾叁兩捌錢叁分陸釐柒毫除扣優免外

實徵銀伍百叁拾貳兩玖錢叁分陸釐柒毫內分

修理

龍亭文廟並各

上司及本縣經費原額銀壹千壹百貳拾兩壹分除扣優免外

實徵銀壹千叁拾叁兩玖錢肆分柒釐肆毫

遇閏加額銀捌拾柒兩柒錢叁分陸釐柒毫除扣優免外

實徵銀捌拾柒兩伍錢捌分捌釐捌毫內順治拾

叁年舊裁欸項

本縣知縣閏月俸原額銀叁兩柒錢伍分

實徵銀叁兩柒錢肆分叁釐柒毫

典史閏月俸銀原額銀貳兩陸錢貳分陸釐柒毫

實徵銀貳兩陸錢貳分貳釐叁毫

訓導閏月俸原額銀貳兩陸錢貳分陸釐柒毫

實徵銀貳兩陸錢貳分貳釐叁毫

以上舊裁各款實徵閏月俸銀捌兩玖錢捌分捌釐

叁毫

裁充兵餉康熙肆等年舊裁款項

本府推官步快手壹名工食原額銀陸兩

實徵銀伍兩伍錢叁分玖釐

遇閏加額銀伍錢

實徵銀肆錢玖分玖釐貳毫

縣學門斗壹名工食原額銀柒兩貳錢

實徵銀陸兩陸錢肆分陸釐柒毫

遇閏加額銀陸錢

實徵銀伍錢玖分玖釐

以上舊裁各款除扣優免外實徵銀壹拾貳兩壹錢

捌分伍釐柒毫

實徵閏月銀壹兩玖分捌釐貳毫

通共連閏實徵銀壹拾叁兩貳錢捌分叁釐玖毫裁
充兵餉康熙拾肆年新裁未復欸項修理

龍亭原額銀壹兩

實徵銀玖錢貳分叁釐壹毫陸絲修理

文廟原額銀壹拾兩

實徵銀玖兩貳錢叁分壹釐陸毫

本府知府心紅紙張分派原額銀壹拾貳兩叁錢

實徵銀壹拾壹兩伍錢叁分玖釐伍毫

修理刑具原額銀叁兩陸錢柒分

實徵銀叁兩叁錢捌分捌釐

本縣知縣心紅紙張油燭原額銀貳拾兩

實徵銀壹拾捌兩肆錢陸分叁釐貳毫

修理監倉原額銀貳拾兩

實徵銀壹拾捌兩肆錢陸分叁釐貳毫

以上新裁各款除扣優免外實徵銀陸拾貳兩捌釐

陸毫陸絲裁充兵餉未復

又康熙拾肆年新裁官俸至貳拾年欽奉

恩詔准復於貳拾壹年照舊支給欸項

本縣知縣俸原額銀肆拾伍兩

實徵銀肆拾壹兩伍錢肆分貳釐貳毫

典史俸原額銀叁拾壹兩伍錢貳分

實徵銀貳拾玖兩玖分捌釐

儒學訓導俸原額銀叁拾壹兩伍錢貳分

實徵銀貳拾玖兩玖分捌釐

以上官俸各欸除扣優免外實徵銀玖拾玖兩柒錢

叁分捌釐貳毫照舊支給

又康熙拾肆等年新裁各役工食至貳拾年欽奉

恩詔准復於康熙貳拾貳年照舊支給欵項

提學道廳事吏壹名工食原額銀陸兩

實徵銀伍兩伍錢叁分玖釐

遇閏加額銀伍錢

實徵銀肆錢玖分玖釐貳毫

舖兵壹名工食原額銀陸兩

實徵銀伍兩伍錢叁分玖釐

遇閏加額銀伍錢

實徵銀肆錢玖分玖釐貳毫

本府知府馬快手壹名工食連馬草料原額銀壹拾陸兩捌錢

實徵銀壹拾伍兩伍錢玖釐壹毫

遇閏加額銀壹兩肆錢

實徵銀壹兩叁錢玖分柒釐陸毫

步快手貳名工食原額銀壹拾貳兩

實徵銀壹拾壹兩柒分柒釐玖毫

遇閏加額銀壹兩

實徵銀玖錢玖分捌釐叁毫

傘扇夫壹名工食原額銀陸兩

實徵銀伍兩伍錢叁分玖釐

遇閏加額銀伍錢

實徵銀肆錢玖分玖釐貳毫

禁子貳名工食原額銀壹拾貳兩

實徵銀壹拾壹兩柒分柒釐玖毫

遇閏加額銀壹兩

實徵銀玖錢玖分捌釐叁毫

本府糧捕廳步快手壹名工食原額銀陸兩

實徵銀伍兩伍錢叁分玖釐

遇閏加額銀伍錢

實徵銀肆錢玖分玖釐貳毫

皂隸壹名工食原額銀陸兩

實徵銀伍兩伍錢叁分玖釐

遇閏加額銀伍錢

實徵銀肆錢玖分玖釐貳毫

本府河捕廳快手叁名工食原額銀壹拾捌兩

實徵銀壹拾陸兩陸錢壹分陸釐玖毫

遇閏加額銀壹兩伍錢

實徵銀壹兩肆錢玖分柒釐伍毫

本縣知縣門子貳名工食原額銀壹拾貳兩

實徵銀壹拾壹兩柒分柒釐玖毫

遇閏加額銀壹兩

實徵銀玖錢玖分捌釐叁毫

皂隸拾陸名工食原額銀玖拾陸兩

實徵銀捌拾捌兩陸錢貳分叁釐叁毫

遇閏加額銀捌兩

實徵銀柒兩玖錢捌分陸釐伍毫

馬快捌名工食連馬草料原額銀壹百叁拾肆兩肆

錢

實徵銀壹百貳拾肆兩柒分貳釐壹毫肆絲

遇閏加額銀壹拾壹兩貳錢

實徵銀壹拾壹兩壹錢捌分壹釐壹毫

民壯伍拾名工食原額銀叁百兩

實徵銀貳百柒拾陸兩玖錢肆分柒釐柒毫

遇閏加額銀貳拾伍兩

實徵銀貳拾肆兩玖錢伍分柒釐陸毫

燈夫肆名工食原額銀貳拾肆兩

實徵銀貳拾貳兩壹錢伍分柒釐陸毫

遇閏加額銀貳兩

實徵銀壹兩玖錢玖分陸釐陸毫

看監禁子捌名工食原額銀肆拾捌兩

實徵銀肆拾肆兩叁錢壹分壹釐陸毫

遇閏加額銀肆兩

實徵銀叁兩玖錢玖分叁釐叁毫

轎傘扇夫柴名工食原額銀肆拾貳兩

實徵銀叁拾捌兩柒錢柒分貳釐柒毫

遇閏加額銀叁兩伍錢

實徵銀叁兩肆錢玖分肆釐壹毫

庫子肆名工食原額銀貳拾肆兩

實徵銀貳拾貳兩壹錢伍分伍釐捌毫

遇閏加額銀貳兩

實徵銀壹兩玖錢玖分陸釐陸毫

斗級肆名工食原額銀貳拾肆兩

實徵銀貳拾貳兩壹錢伍分伍釐捌毫

遇閏加額銀貳兩

實徵銀壹兩玖錢玖分陸釐陸毫

本縣典史門子壹名工食原額銀陸兩

實徵銀伍兩伍錢叁分玖釐

遇閏加額銀伍錢

實徵銀肆錢玖分玖釐貳毫

皂隸肆名工食原額銀貳拾肆兩

實徵銀貳拾貳兩壹錢伍分伍釐捌毫

遇閏加額銀貳兩

實徵銀壹兩玖錢玖分陸釐陸毫

馬夫壹名工食原額銀陸兩

實徵銀伍兩伍錢叁分玖釐

遇閏加額銀伍錢

實徵銀肆錢玖分玖釐貳毫

本縣儒學訓導喂馬草料原額銀壹拾貳兩

實徵銀壹拾壹兩柒分柒釐玖毫

遇閏加額銀壹兩

實徵銀玖錢玖分捌釐叁毫

齋夫叁名工食原額銀叁拾陸兩

實徵銀叁拾叁兩貳錢叁分叁釐柒毫

遇閏加額銀叁兩

實徵銀貳兩玖錢玖分肆釐玖毫

膳夫貳名工食原額銀肆拾兩

實徵銀叁拾陸兩玖錢貳分陸釐肆毫

遇閏加額銀叁兩叁錢叁分叁釐叁毫

實徵銀叁兩叁錢貳分柒釐柒毫

門斗貳名工食原額銀壹拾肆兩肆錢

實徵銀壹拾叁兩貳錢玖分叁釐伍毫

遇閏加額銀壹兩貳錢

實徵銀壹兩壹錢玖分捌釐

以上共復役食除扣優免外實徵銀捌百陸拾兩壹

分肆釐捌毫肆絲

實徵閏月銀柒拾柒兩伍錢貳釐叁毫

通共連閏實徵銀玖百叁拾柒兩伍錢壹分柒釐壹毫肆絲照舊支給

河夫欸項

河堡夫原額銀肆百肆拾壹兩陸錢

實徵銀肆百柒兩陸錢陸分柒釐壹毫

遇閏加額銀貳拾兩

實徵銀壹拾玖兩玖錢陸分陸釐叁毫

連閏實徵共銀肆百貳拾柒兩陸錢陸分柒釐壹毫肆絲

俱係解支河庫

驛站款項

驛站原額銀伍千伍百玖兩陸錢玖分壹釐除扣
免外

實徵銀伍千捌拾陸兩叁錢貳分壹釐伍毫
遇閏加額銀肆百壹拾壹兩伍錢除扣優免外

實徵銀肆百壹拾兩捌錢陸釐貳毫內除

走遞夫皂貳百伍拾各工食原額銀壹千捌百兩

實徵銀壹千陸百陸拾壹兩陸錢捌分陸釐肆毫
遇閏加額銀壹百伍拾兩

實徵銀壹百肆拾玖兩柒錢肆分柒釐壹毫

運閩實徵共銀壹千捌百壹拾壹兩肆錢叁分叁釐伍毫係康熙拾伍年裁充兵餉未復

實在驛站銀叁千陸百捌拾伍兩陸錢玖分肆釐貳毫

康熙拾肆年奉 文通融計筭裁肆留陸至康熙拾伍年欽奉

部案內准復貳分其應支應裁實在銀數俱係驛站
按年另造確冊隨年造報

奏銷

支發欸項

支發原額銀柒百玖兩陸分叁釐肆毫貳絲柒微除
扣優免外

實徵銀陸百伍拾肆兩伍錢柒分捌釐肆毫貳絲
柒微

遇閏加額銀壹拾肆兩陸錢除扣優免外

實徵銀壹拾肆兩伍錢柒分伍釐肆毫內康熙拾
年舊裁欸項

本府倉小麥原額銀壹兩肆錢叁分陸釐叁毫柒絲
叁忽叁微玖纖

實徵銀壹兩叁錢貳分陸釐

餘麥原額銀叁釐捌毫伍絲

實徵銀叁釐伍毫伍絲

本府倉米原額銀肆拾兩叁錢叁分伍釐壹絲陸忽
實徵銀叁拾柒兩貳錢叁分伍釐陸毫叁絲柒微
餘米原額銀壹錢叁分肆釐肆毫玖絲貳忽

實徵銀壹錢貳分肆釐壹毫伍絲

加徵鹿邑縣軍糧原額銀伍拾陸兩伍錢肆分柒釐柒毫叁絲柒忽叁微壹纖

實徵銀伍拾貳兩貳錢貳釐陸毫

以上舊裁各款除扣優免外實徵銀玖拾兩捌錢玖分壹釐玖毫叁絲柒微改充兵餉

原解江南款項

本府倉小麥原額銀叁兩貳錢玖分柒釐捌毫伍絲實徵銀叁兩肆分肆釐肆毫伍絲

本府倉米原額銀玖拾貳兩陸錢柒釐肆毫玖絲貳

忽

實徵銀捌拾伍兩肆錢玖分壹釐肆毫肆絲

以上實徵共銀捌拾捌兩伍錢叁分伍釐捌毫玖絲
係解江南船料麥米欸項

康熙拾肆等年新裁未復欸項

本府季考生員卷資花紅筆墨原額銀壹拾伍兩

實徵銀壹拾叁兩捌錢肆分柒釐肆毫

新進生員花紅酒席原額銀柒兩伍錢

實徵銀陸兩玖錢貳分叁釐柒毫

迎送芒神春花春杖各衙門桃符門神原額銀貳兩

伍錢

實徵銀貳兩叁錢柒釐玖毫

修城原額銀伍拾兩

實徵銀肆拾陸兩壹錢伍分捌釐

本縣新官到任祭河原額銀叁兩

實徵銀貳兩柒錢陸分玖釐伍毫

修理儒學殿廡齋號養濟院原額銀伍拾兩

實徵銀肆拾陸兩壹錢伍分捌釐

科舉歲貢生員卷資叁年兩次供給花紅筆墨紙張

原額銀壹拾捌兩伍錢

實徵銀壹拾柒兩柒分捌釐肆毫

科場原額銀叁兩貳錢貳分

實徵銀貳兩玖錢柒分貳釐陸毫

應試生員並遺才生員會試舉人花紅酒席原額銀

貳拾貳兩伍錢

實徵銀貳拾兩柒錢柒分壹釐壹毫

奉文加派舉人酒席圓領原額銀肆錢伍分

實徵銀肆錢壹分伍釐肆毫

科場謄錄書手工食原額銀壹拾兩

實徵銀玖兩貳錢叁分壹釐陸毫

以上新裁各款除扣優免外實徵共銀壹百陸拾捌兩陸錢叁分叁釐陸毫裁充兵餉未復

又康熙拾叁等年新裁各款至拾玖等年各案內准復款項

各壇廟祭祀原額銀壹百壹兩伍錢貳分

實徵銀玖拾叁兩柒錢壹分玖釐貳毫

鄉飲貳會酒席原額銀柒兩

實徵銀陸兩肆錢陸分貳釐壹毫

本縣舖兵拾陸名工食原額銀壹百壹拾伍兩貳錢

實徵銀壹百陸兩叁錢肆分柒釐玖毫

遇閏加額銀玖兩陸錢

實徵銀玖兩伍錢捌分叁釐玖毫

本縣吹手肆名工食原額銀貳拾肆兩

實徵銀貳拾貳兩壹錢伍分伍釐捌毫

遇閏加額銀貳兩

實徵銀壹兩玖錢玖分陸釐陸毫

本縣看監更夫伍名工食原額銀叁拾陸兩

實徵銀叁拾叁兩貳錢叁分叁釐柒毫

遇閏加額銀叁兩

實徵銀貳兩玖錢玖分肆釐玖毫

歲貢原額銀貳拾兩

實徵銀壹拾捌兩肆錢陸分叁釐貳毫

起送考貢生員花紅酒席原額銀肆兩

實徵銀叁兩陸錢玖分貳釐陸毫

重刊算目 卷之四
三
舉人坊牌原額銀肆兩玖錢貳分

實徵銀肆兩伍錢肆分壹釐玖毫

進士坊牌原額銀貳兩伍錢陸分伍釐

實徵銀貳兩叁錢陸分柒釐玖毫

奉文加派舉人盤費原額銀壹拾陸兩肆錢玖分叁

釐叁毫

實徵銀壹拾伍兩貳錢貳分伍釐玖毫

武舉路費原額銀叁錢叁分貳釐叁毫壹絲

實徵銀叁錢陸釐捌毫

以上新裁各款除扣優免外實徵共銀叁百陸兩伍錢壹分柒釐

實徵閏月銀壹拾肆兩伍錢柒分伍釐肆毫

通共連閏實徵銀叁百貳拾壹兩玖分貳釐肆毫照舊支給

康熙捌年肆月內

新收原額更名大弓地共柒拾壹頃柒拾肆畝叁分貳釐柒毫比照民田壹例起科每畝派銀叁分玖釐肆毫玖絲玖忽叁微壹纖伍沙肆塵叁埃陸渺

壹漠共派銀貳百捌拾叁兩叁錢捌分壹釐

遇閏每畝派閏月銀壹釐叁毫壹絲肆忽伍微柒纖
柒沙玖渺陸漠共派閏月銀玖兩肆錢叁分壹釐
貳毫壹絲

貳項連閏月共派銀貳百玖拾貳兩捌錢壹分貳釐
貳毫壹絲

又收睢州更名原額小地柒頃伍畝肆分查民田肆
百捌拾步爲壹畝更名貳百肆拾步爲壹畝該折
大地叁頃伍拾貳畝柒分比照民地田則例折筭

起科尙虧舊額仍照舊例每畝派銀陸分壹毫貳
絲叁忽貳微伍纖玖沙伍塵柒埃肆渺叁漠共徵
銀貳拾壹兩貳錢伍釐伍毫

遇閏每畝派閏月銀壹釐叁毫肆絲壹忽陸微捌纖
捌沙壹塵伍埃捌漠共派閏月銀肆錢柒分叁釐
貳毫

貳項連閏共派銀貳拾壹兩陸錢柒分捌釐柒毫

又收考城縣獅子庄原額更名小地叁頃柒拾壹畝
貳分查民田陸百步爲壹畝更名貳百肆拾步爲

壹畝該折大地壹頃肆拾捌畝肆分捌釐比照民地則例折筭起科尙虧舊額仍照舊例每畝派銀伍分肆釐玖毫陸絲肆忽捌纖壹沙肆塵伍渺叁漠共派銀捌兩壹錢陸分壹釐壹毫

遇閏每畝派閏月銀貳釐壹毫伍絲伍忽肆微陸纖玖沙伍塵壹埃壹渺壹漠共派閏月銀貳錢陸分貳釐玖毫

貳項連閏共派銀捌兩肆錢貳分肆釐

又收汝甯府代徵原額更名地捌拾陸頃全熟比照

民田壹例起科每畝派銀叁分玖釐肆毫玖絲玖忽叁微壹纖伍沙肆塵叁埃陸渺壹漠共派銀叁百叁拾玖兩陸錢玖分肆釐壹毫

遇閏每畝派閏月銀壹釐叁毫壹絲肆忽伍微柒纖柒沙玖渺陸漠共派閏月銀壹拾壹兩叁錢伍釐肆毫

貳項連閏共派銀叁百伍拾兩玖錢玖分玖釐伍毫本縣原有額外鵝鴨廠地伍頃柒拾貳畝比照民田則例每畝派銀叁分玖釐肆毫玖絲玖忽叁微壹

織伍沙肆塵叁埃陸渺壹漠共派銀貳拾貳兩伍錢玖分叁釐陸毫

遇閏每畝派閏月銀壹釐叁毫壹絲肆忽伍微柒纖柒沙玖渺陸漠共派閏月銀柒錢伍分壹釐玖毫貳項連閏共派銀貳拾叁兩叁錢肆分伍釐伍毫

陳言籽粒地拾頃玖拾肆畝叁分叁釐壹毫叁絲比照民田則例每畝派銀叁分玖釐肆毫玖絲玖忽叁微壹纖伍沙肆塵叁埃陸渺壹漠共派銀肆拾叁兩貳錢貳分伍釐叁毫

遇閏每畝派閏月銀壹釐叁毫壹絲肆忽伍微柒纖
渠沙玖渺陸漠共派閏月銀壹兩肆錢叁分捌釐
陸毫

貳項連閏共派銀肆拾肆兩陸錢陸分叁釐玖毫

劉端郭祥籽粒地壹頃伍拾畝比照民田則例每畝

派銀叁分玖釐肆毫玖絲玖忽叁微壹纖伍沙肆

塵叁埃陸渺壹漠共派銀伍兩玖錢貳分肆釐玖

毫

遇閏每畝派閏月銀壹釐叁毫壹絲肆忽伍微柒纖

柴沙玖渺陸漠共派閏月銀壹錢玖分柒釐貳毫

貳項連閏共派銀陸兩壹錢貳分貳釐壹毫

劉大鎮籽粒地叁拾伍畝比照民田則例每畝派銀

叁分玖釐肆毫玖絲玖忽叁微壹纖伍沙肆塵叁

埃陸渺壹漠共派銀壹兩叁錢捌分貳釐伍毫

遇閏每畝派閏月銀壹釐叁毫壹絲肆忽伍微柒纖

柒沙玖渺陸漠共派閏月銀肆分陸釐

貳項連閏共派銀壹兩肆錢貳分捌釐伍毫

額外宣武衛地叁拾柒頃捌拾壹畝肆分叁釐伍毫

每畝派銀叁分叁釐共派銀壹百貳拾肆兩柒錢捌分柒釐肆毫

壹收併宣武衛

原額丁銀無照見在丁銀準額

原準額人丁陸拾壹丁原準額丁銀壹拾叁兩玖錢伍分

康熙貳拾壹年內編審開除老故人丁叁丁開除丁銀陸錢伍分

新增人丁叁丁新增丁銀陸錢伍分

新舊共人丁陸拾壹丁內分

中中則壹丁派銀肆錢伍分

中下則壹拾叁丁每丁派銀叁錢伍分共派丁銀肆

兩伍錢伍分

下上則貳拾伍丁每丁派銀貳錢伍分共派丁銀陸

兩貳錢伍分

下中則拾陸丁每丁派銀壹錢伍分共派丁銀貳兩

肆錢

下下則陸丁每丁派銀伍分共派丁銀叁錢

以上伍則人丁共派丁銀壹拾叁兩玖錢伍分

原額地壹百壹拾柒頃肆拾玖畝叁分全熟

原額銀貳百玖拾兩陸分壹釐伍毫查本縣民地肆

百捌拾步爲壹畝每畝派銀叁分玖釐肆毫玖絲

玖忽叁微壹纖伍沙肆塵叁埃陸渺壹漠衛地原

係貳百肆拾步爲壹畝比照民田則例折筭起科

尙虧舊額仍照舊例每畝派銀貳分肆釐陸毫捌

絲柒忽伍微伍纖伍沙捌塵伍埃肆渺肆漠共該

原額銀貳百玖拾兩陸分壹釐伍毫

遇閏每畝派銀桑毫貳絲陸忽玖微柒沙壹塵叁埃
肆渺玖漠柒派閏月銀捌兩伍錢肆分陸毫伍絲
連閏共派銀貳百玖拾捌兩陸錢貳釐壹毫伍絲
丁地蕪項連閏共實徵銀叁百壹拾貳兩伍錢伍分
貳釐壹毫伍絲

壹折色起運實徵原額銀叁百兩壹分壹釐伍毫

遇閏加額銀捌兩伍錢肆分陸毫伍絲

壹本色起運牛角壹副實徵原額銀肆兩

壹收併歸德衛

原額丁銀無照見在丁銀準額

原準額人丁玖拾壹丁原準額丁銀貳兩柒錢叁分
康熙貳拾壹年內編審開除老故人丁伍丁開除丁
銀壹錢叁分

新增人丁伍丁新增丁銀壹錢伍分

新舊見在人丁玖拾壹丁每丁派銀叁分共派丁銀
貳兩柒錢叁分

原額見故軍屯小弓地壹百貳拾玖頃陸畝肆分全

熟

原額銀貳百陸兩伍錢貳釐肆毫照依民田則例起
科查本縣民地肆百捌拾步爲壹畝每畝派銀叁
分玖釐肆毫玖絲玖忽叁微壹纖伍沙肆塵叁埃
陸渺壹漠衛地原係貳百肆拾步爲壹畝比照民

田則例每畝派銀壹分玖釐柒毫肆絲玖忽陸微
伍纖柒沙柒塵壹埃捌渺伍灰實該原額銀貳百
伍拾肆兩捌錢玖分陸釐玖毫捌絲貳忽肆微

遇閏每畝派銀壹絲柒忽肆纖伍沙柒塵伍埃貳渺
伍漠共派閏月銀貳錢貳分

連閏共派銀貳百伍拾伍兩壹錢壹分陸釐玖毫捌
絲貳忽肆微

丁地貳項連閏共實徵銀貳百伍拾柒兩捌錢肆分
陸釐玖毫捌絲貳忽肆微

壹起運折色原額銀貳百伍拾柒兩陸錢貳分陸釐
玖毫捌絲貳忽肆微

遇閏加額銀貳錢貳分

壹收併睢陽衛

原額丁銀無照見在丁銀準額

原準額人丁叁百玖拾肆丁原準額丁銀壹拾壹兩捌錢貳分

康熙貳拾壹年內編審開除老故人丁貳拾捌丁開除丁銀捌錢肆分

新增人丁貳拾捌丁新增丁銀捌錢肆分

新舊共人丁叁百玖拾肆丁每丁派銀叁分共派丁銀壹拾壹兩捌錢貳分

原額屯田等地柒百柒拾壹頃陸拾壹畝貳分全熟原額銀貳千捌百叁拾兩玖錢貳分肆釐陸毫伍絲

玖忽

內有新添軍器等項

實該原額銀貳千捌百叁拾叁兩肆分叁釐玖毫
遇閏加額銀伍兩玖錢叁分柒釐伍毫內分

原額屯熟地陸百陸頃柒拾貳畝壹分查本縣民地
肆百捌拾步爲壹畝每畝派銀叁分玖釐肆毫玖
絲玖忽叁微壹纖伍沙肆塵叁埃陸渺壹漠衛地
貳百肆拾步爲壹畝比照民田則例折筭起科尙
虧舊額仍照舊例每畝派銀叁分伍釐壹毫壹絲

貳忽叁微捌織捌沙實該原額銀貳千壹百叁拾兩叁錢肆分貳釐叁毫

遇閏每畝派銀柒絲陸忽玖微肆織玖沙貳塵玖埃伍渺捌漠共派閏月銀肆兩陸錢陸分捌釐柒毫連閏共派銀貳千壹百叁拾伍兩壹分壹釐

原額新增熟地陸拾陸頃貳拾柒畝叁分壹釐查本縣民地肆百捌拾步爲壹畝每畝派銀叁分玖釐肆毫玖絲玖忽叁微壹織伍沙肆塵叁埃陸渺壹漠衛地貳百肆拾步爲壹畝比照民田則例折籌

起科尙虧舊額仍照舊例每畝派銀肆分肆釐壹毫壹絲貳忽叁微捌纖捌沙實該原額銀貳百玖拾貳兩叁錢肆分陸釐伍毫

遇閏每畝派銀柒絲陸忽玖微肆纖玖沙貳塵玖埃伍渺捌漠共派閏月銀伍錢玖釐玖毫陸絲

連閏共派銀貳百玖拾貳兩捌錢伍分陸釐肆毫陸絲

原額餘屯熟地柒拾伍頃玖拾捌畝叁分查本縣民地肆百捌拾步爲壹畝每畝派銀叁分玖釐肆毫

玖絲玖忽叁微壹纖伍沙肆塵叁埃陸渺壹漠衛
地貳百肆拾步爲壹畝比照民田則例折筭起科
尙虧舊額仍照舊例每畝派銀肆分肆釐壹毫壹
絲貳忽叁微捌纖捌沙實該原額銀叁百叁拾伍
兩壹錢柒分玖釐貳毫

遇閏每畝派銀柒絲陸忽玖微肆纖玖沙貳塵玖埃
伍渺捌漠共派閏月銀伍錢捌分肆釐陸毫肆絲
連閏共派銀叁百叁拾伍兩柒錢陸分叁釐捌毫肆

絲

原額徭役熟地貳拾貳頃陸拾叁畝肆分玖釐查本
縣民地肆百捌拾步爲壹畝每畝派銀叁分玖釐
肆毫玖絲玖忽叁微壹纖伍沙肆塵叁埃陸渺壹
漠衛地貳百肆拾步爲壹畝比照民田則例折筭
起科尙虧舊額仍照舊例每畝派銀叁分叁釐貳
毫壹絲貳忽叁微捌纖捌沙實該原額銀柒拾伍
兩壹錢柒分伍釐玖毫

遇閏每畝派銀柒絲陸忽玖微肆纖玖沙貳塵玖埃
伍渺捌漠共派閏月銀壹錢柒分肆釐貳毫

丁亥年四月
卷之四
連閏共派銀柒拾伍兩叁錢伍分壹毫

以上肆色熟地共派銀貳千捌百叁拾叁兩肆分叁釐玖毫共派閏月銀伍兩玖錢叁分柒釐伍毫

連閏共派銀貳千捌百叁拾捌兩玖錢捌分壹釐肆毫

丁地貳項連閏共實徵銀貳千捌百伍拾兩捌錢壹釐肆毫

壹折色起運實徵原額銀貳千捌百叁拾貳兩陸分

叁釐玖毫

遇閏加額銀伍兩玖錢叁分柒釐伍毫

壹本色起運原額牛角叁副貳分實徵原額銀壹拾

貳兩捌錢

鹽政

按前明歸郡舊例食鹽長蘆後改食河東人多苦之
一時私販私奪幾釀大患相國沈文端公請改復舊
屬邑稱便甯當孔道百貨走集商賈蔽市出途踵相
接也惟鹽有額引商有定數明季食鹽捌百有叁引
自

國朝壹引改叁小引共該貳千肆百零玖引至康熙伍年
加至叁千柒百陸拾引康熙捌年拾月貳拾玖日奉
請領紙硃銀兩事一案每拾引又加壹引計合叁百柒

拾陸引今共額銷殘引肆千壹百叁拾陸引商人自
長蘆鹽運司納稅領引給鹽運賣引交本縣按季差
赴山東運司銷繳食鹽戶口不計焉

雜稅款項

壹活稅銀

壹老稅銀

壹當稅銀

壹房地稅契銀

壹牙行換帖銀

以上數欸原無定額俟年終解到準額另冊報銷